

2 JON

Mi yokwo kwisaka Jon siya winkiya Grik simiir yaigin aiir, ya min boinkika Jon siya, wig aeya mi saiir yinisisim ikim. Nhirim yim ta wig aiiram naingwo tibmiigim sima hiniina naingwokim saeya iikamim naingwo tibmiiyim yipiki maeyau kwiruwa nwowim simiir hiriir swoki imbiyamim. Siya simiirin min boinkikin sima irni nwirniyam inanaingwokwowim mi kam bibiyeyim simiirsi mintiraowim yipiki Krais siir dimin taeminim simiirgisimiir niisiimauu karamae nwowim. Iriig.

¹ Kara Jonkin, Adi Komii siir piugana saiir biyan inkamkin mi ta yokwowa kara winkika wigim yipiki biya Adi Komii siya nimbiniim siir yinisisim nwowam kimiiram. Mi saeya kimiiraram bi winkika, saeya kima mi kimiir yinisisim ima kimiiramar winkika. Mi kara kimiiram nhami nhami naingwokwonanae rani, kanakana rani, iikamim yipiki Adi Komii krimiir Wanin siir yai aiiram naingwo tibmiiyim sima warar winkika. ² Krima kimiiram asi naingwokwonanaei. Dimusi rani, wara Adi Komii siir yai kibikibiyim kimiir kwoinawu nwokaiyim yim wi waraur hiriir haiginonkworinukripkaii.

³ Kara hiniina naingwowi Adi Komii siya mi siir yinisisim ieya Jisis Krais krimiirin naingwoyimok mi naingwobumbu mi iripa nongwomamair ae sowa hauugin mi ta hiriinansika sima wi krimiiram asi naingwokwonanaei mi krime wi wadie nwoki sibgu owim iripa nongwomamairamin. Dimusi rani, nim krime siir yaimwoki yaimwo imiir wakaeyokna apkim mi irni nwirniyam naingwokwonanaekim. Iriig.

Krime iikamim simiiram daingwokwonanae

⁴ An kara ha wakaekin kimiir piugana saiir iikam nhirim yim ha wakaeyoknaeikim. Dimusi rani, wim kima ti siyiumwokisiyiumwoin Adi Komii siya boinin krima tiram siir wakaeyokna tirin mi an kara ini maigimaigar ywokiyin. ⁵ Kara kimiirin ti hiniina boinkikin, krima irni nwirnyam daingwokwonanae. Yim ti yayim tapar bi kwitkim. Yim ti yayim yim biigibii krima naingwo tibmii kiina mi ha wakaeyim yim sima. ⁶ Mi krima Adi Komii krimiir Wanin siiram naingwokwonanaei mi krima siir yai imiir warar timi wakaeyokna ap. Biya siya krimiirin ti hiniina boinkin, krima irni nwirnyam daingwokwonanae.

⁷ Iikam whiekakim bidi yinoopkiyim hinda tinda iikam imiir priyiksasaeyam. Sima ti hiniina miisisae boinamkim, Jisis siya iikam krimiir piunan nwonanikin mi siya nua tiriirin ha niunaininikin. Mi ti hiriinan siyuin ti iikam imiir sima niksisaeyin mi yim sima ini Krai siir sau omomnan ywowim. ⁸ Kima, kimasiyar mintiraona mi kima wari dimin kibi kibiyim kimiir kwoinawu nwoyaiyim Adi Komii siya haigiiumauuwim simiir simiira tirnanae, mhoiyya kira wi dimin taemin kasa hai rani, kimiirin wi siya hauuwi.

⁹ Mi yipiki yai nhirim Krai siir yayim simaka ninikin haiginkii, Adi Komii siya wi saika nwo rani. Niingaka. Mi yipiki Krai siir yai imiir wakaeyokna api, Adi Komii siya mi siir yinisim ieya sowaniiyin wi saikar nwowi. ¹⁰ Mi inkam nwirki niti mi siya Krai siir yai imiir wakaeyokna ap karamae nwowi mi kira wi simiir kipi nikiuna apninopkai kiriir omakanau hiriir namamin mi wi simiir kipi mi boinwin hiniin, ha wit. Mi kira simiirin hiniina kipi mi boin, Adi Komii siya ini kimakar nwowin mi kimiirin wi siya nwowaiginiuwi iripa nongwomamair aeyam. ¹¹ Mi yipiki ti inkam biye hiriinanin siir boini

hiniin siya wi saika nongwomamair aei mi yio tari siir nomiiyaugin mi dimin biyieyim yipiki biiya ti inkam ieya tirim yim iriipi siir warairgin.

[Nikopkaigiyan yai aeya](#)

¹² Dimin kasakasa rani, kara naingwowim kimiir boinmimauuam mi kara simiirin pi yokwoni ara winki rani. Kara kimiir kignakiyam tiri mi ta hiriinan sairsika krime wi iripa nwoki boinaiyim ti dimin taemin imiirin mi krime wi maigimaiga niki inan oswowim. ¹³ Mi kiriir yokman yaowae budieya saiir yinisisimim, sima nokboinmamaigikim. friig.

Yai Win Kibiya

The New Testament in the Sepik Iwam Language of Papua New
Guinea

Nupela Testamen long tokples Sepik Iwam long Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 12 Jun 2019 from source files dated 1 Oct 2018

5350dc83-93b2-5000-9c98-dcdb728ba84f